



SIUMUT Inatsisartuutitat

15. februar 2012

Inatsisartut suleriaasiat § 37 imm.1 naapertorlugu Naalakkersuisunut apeqqut:

- 1. Nunatsinni innarluutillit ilinniarfiannik pilersitsisoqarnissaa Naalakkersuisunit qanoq isumaqarfigineqarpa?**
- 2. Innarluuteqariaatsit assigiinngitsut pillugit aamma IPIS-p atuutilerneratigut ilisimalikkat atorluarnissaat Naalakkersuisut qanoq pilersaarutigaat ?**

(Inatsisartuni ilaasortaq Ruth Heilmann Siumut)

Nunatsinni innarluutillit tunngaviusumik isumagineqarnerat nunatsinnit ukiuni arlalinngortuni ingerlanneqalernikuuvoq, soorlu aamma 2011 aallarnerfigalugu innarluutillit Namminersornermit kommunerujus-suarnut akisussaaffigineqarnerat nuunneqarluni.

Innarluutillit pisinnaanerusut ilinniarfissaannik Innarluutillit Kattuffian-nit Inatsisartunut apuunneqartarpoq. Aammalu Ado Lyngep atuarfiani atuartut naammassisut ingerlariaqqiffissaannik ujartuisoqartarpoq. Kommuniminnut uteraangamik piginnaasaqarfigiligaasa maangaan-naratik ingerlaqqinnissaannik qanoq periarfissiisoqartarpa?

Knud Rasmussenip Højskoleani qujanarpoq aamma Innarluutilinnik højskolertitsisoqarluni misiliisoqarnera, tamannalu misiliineq pitsaasu-mik kinguneqartoq tusaamavarput. Taavami højskolereerneranni ingerlariaqqinnissaannik sutigut aqutissiuunneqarpat? Tassuunakkut takussutissaqartinneqarluarpoq nunatsinni pisariaqartoq piffissanngortorlu innarluutillit pisinnaanerusut ilinniarfissaannik pilersitsinissamik pilersaarusiussalluni.